

EBBk oneritzia eman zion EE eta EAJren oinarritzko akordioari

Gebarak sozialistek parte hartzeko keinu bat egin zuen atzo

Euzkadi Buru Batzarrek oneritzia eman zion EEren eta EAJren artean lortutako oinarritzko gobernu akordioari. Datorren astean, ostera, akordio hau EA, PP eta PSE-PSOeri aurkeztuko zaie, EAEko gobernurako kide berrien bila.

Z. ZAMAKOLA / BILBO

Atzo Bilbon EBBk izandako bileraren tarte batean, Juan Ramon Gebara eledun jeltzaleak iragarri zuen aste honetan bertan kaleratu nahi zutela oinarritzko akordioaren edukina, EE eta EAJko batzordeen bilera batean.

Era berean, Gebarak erantsi zuen «beste gobernuak edo kideak» bilatzeko negoziatioak datorren astean hasiko zirela, eta aste honetako bileran bi alderdiok «bion adostasunaz» zehaztuko dutela negoziatioetarako estrategia.

Gebarak azaldu zuen ez ziotela programa «inposatu» nahi gobernu hitzarmenean sartuko den alderdi berriari. «Izaera zabala duen oinarritzko akordioa behar du izan, legealdi berrian gobernuaren lanaren bide orokorrak eta oinarritzko printzipioak markatuko dituen», ziurtatu zuen.

Gauzak honela, eledun jeltzaleak onartu egin zuen programak «garpinak» izan ditzakeela hirugarren kidearekin izandako elkarriketetan, «koalizio formula eratzeak asmoz».

Halere, Gebarak azpimarratu zuen oinarritzko akordioa izanda ere ezin dela «oso ezberdina izan bialderdiko batean (sozialistekin) gure planteamenduen oinarritzko bideak zirenetatik». Bide beretik, eledun jeltzaleak agertu zuen ez lukeela izango



Euzko Alderdi Jeltzalearen EBBk EErekiko akordioa baieztatu egin zuen atzo.

KEPA

✓ Gehiago nagusia lortu ahal izatea kontutan hartuko zela baietsi zuen Gebarak eta gobernu hirukoitzean, PSE-PSOEkin baino ez du ziurtatzen hori.

zentzu handirik «sozialistekin akordioa oztopatu zuenak hiru alderdiko akordio batetan funtsezko aldaketarik» izan lezakeenik.

Juan Ramon Gebararen esanetan, oraindik ez da erabakirik hartu negoziatioetara zein alderditara joango den lehenago. «Momentu honetan egokien dena zera da, negoziatioa gainontzeko alderdiekin nola eratu den erabakitzea», adierazi zuen.

GEBARAK PSE-PSOERI KEINUA Gebarak ziurtatu egin zuen ez zela alderdi-rik ipintzen besteen aurretik gobernu kide bezala hautatzeko. Zentzu honetan «nahiak baino arrazoi objektiboek» erabakiko zutela

zehaztu zuen. Halere, Gebarak keinu bat egin zien sozialistei, esanez «pisa» izango zutela «gehiengo nagusia lortu ala ez» bezalako arrazoiak. Hiru alderdiko gobernuan, PSE-PSOEkin baino ez litzateke lortuko gehiago nagusia. EA edo PPrekin osatutako gobernuan HBren presentziak aginduko luke gehiago nagusia.

Arrazoi hau «prioritatea izan daitekeela» ziurtatu zuen Gebara jeltzaleak, nahiz eta halabeharrezkoa izan behar denik ukatu. Guzti honekin ere «hitz egin beharrekia» dela esanez, ez zuen ziurtatu eman halakorik.

EAJko eledunak ez zuen argitu negoziaketa prozesua alderdi guz-

tiekin batera burutuko ote zen, ala bestela banan banan negoziatzen joango ziren. «Hori hitz egin beharrekia dugu eta ezin dut aurreritziarik eman», azaldu zuen Gebarak.

Gebarak berretsi egin zuen hari programatikoetan eta oinarritzko printzipioetan izango diren adostasunak markatuko dutela gobernu akordioa.

Kazetarien galderei erantzunez, Gebarak onartu egin zuen EEk atzo zioen bezala badirela «oso bigarren mailako arazoren bat» zehazteke. «Halere —erantsi zuen—, honek ez du esan nahi bi alderdien exekutibek oneritziako oinarritzko akordioa ez dagoenik». Eledun jeltzaleak azpimarratu egin zuten helburua hiru alderdiko gobernu akordio zela, «gobernu egonkorra lortu asmoz». Zentzu honetan ere, ez zuen ukatu alderdi batekin «edo gehiagorekin» lor daitekeela akordioa.

Arzalluz: «Bestei emandako trataera izango du PSEk»

MADRIL

Xabier Arzalluz, Euzko Alderdi Jeltzaleko buruzagi gorenaren esanetan, sozialistei «beste «beste alderdiei emandako trataera bera emango diegu beraiekin elkarriketatzeari berrekitea erabakitzen badugu. Alde batera utziko dugu atzetik Madrilgo Gobernuaren alaez».

Onda Cero irratian «Si así os parece» saioan egindako adierazpenetan, Arzalluzek esan du programa adostasunari zor zaiola EErekiko akordioa eta hirugarren alderdi batekin gauza bera lortu nahi dutela hirualdetako gobernu autonomo baten oinarriak finkatu ahal izateko.

Buruzagi jeltzalearen hitzetan, «sozialistekin bakarrik joateak bertako Gobernu Madrilaren eta hemen ere gobernatzen dutenen eskutian ia erabat uztea esan nahi du. Hirugarren kide batekin, ordea, gauzak banatu egiten dira eta oreka handiagoa dago PSE alderdi bat gehiago bezala hartzen dela pentsatzerakoan. Hirugarren alderdi baten presentziak, gainera, babes handiagoa emango ligukeen sozialistekin elkarriketatzerako orduan, ez bait dugu ahaztu behar Madrilaren ere gobernatzen dutela».

JARRERA ASALDAGARRIAK EA-N EAekin akordio batera iristeko posibilitatez ere mintzatu da Arzalluz. «Jarrera asaldagarri samarrak erakusten ari dira —esan du—. Koalizio aber- tzailea osatzeko erabakia hartu eta gero, eta orduan bakarrik, beraiegana jotzeko eskatu ziguten eta ez dugu oraindik erabakirik hartu, ezta hartuko ere, jaurlaritza abertzalea osatzea ala ez osatzeari dagokionez.

Eusko Jaurlaritzaren eraketari buruzko erabakiak bakarrik hartuko bait ditugu». Azkenik, Arzalluzek ez du baztertu PPrekin akordioaren batera iristeko posibilitatea, «beste edozein bezain euskaldunak bait dira». Edozein kasutan ere, Arzalluzek bere eskeptizismoa agertu du EAJ eta EEk soilik osatutako gobernu aukeraz, legebiltzarreko 75 eskainuetatik 28 ez litzuke bilduko eta.

Osasunbidea enpresa modernoa eta autonomoa izango dela dio Artundok

A.U. / IRUNEA

Nafarroako Gobernuak atzo oneritzi zuen Osasunbidea-ko (Nafar Osasun Zerbitzua) egitura berria. Aipatu zerbitzua 1990eko azaroaren 23ko Foru Osasun legeak sortu zuen eta atzo onartutako Dekretuak bere antolakuntza garatzea du xede. Carlos Artundo, Osasun kontseilariak adierazi zuenez, «Nafarroako Gobernuak lehendik beregain zuen osasun zerbitzuaren eta herenegun indarrean sartu ziren Insalud-aren transferentzien koordinazioa bermatzen duen egitura autonomoa gauzatu da».

Insalud eta Inersoren zerbitzuak eskuratzean, Osasun Departamentuaren aurrekontua 42.300 milioi pe-

zetara (2.115 milioi libera) heltzen da; iazkoa baino 30.000 milioi gehiago. Langilegoari dagokionez, Osasunbideak 6.151 izanen ditu —erdia Insalud-eko langile ohiak—.

Artundok «enpresa publiko modernoa» sortu nahi izan dela ziurtatu zuen, Osasunbideak «ekonomia zein langile mailan autonomia osoa» izango duela gaineratuz. Halaber, autonomi horrek osasun zerbitzuen gestio egokiagoa erraztuko duela adierazi zuen. Zerbitzu deszentralizatzen saiatu direla jakinarazi zuen kontseilariak, Lizarra eta Tuterako guneen garrantzia azpimarratu zuen.

Bi zerbitzuren integrazioak beti omen dakar arazoren bat, baino Nafarroaren kasuan «ez da horrelakorik

gertatuko» ziurtatu zuen kontseilariak. Bere esanetan, «langileen soldata desberdinek pizten ditu liskarrak eta Nafarroan ia parekoak direnez, ez dira beste komunitatetan nozitu diren arazoak izango». Hala ere, diferentziaren bat balego hau negoziaketaren bidez konponduko dela aurreratu zuen Artundok, hortarako sindikatuen ordezkariek osatuko duten mahaia medio.

GOI MAILAKO KARGUAK Atzoko prentsaurrekoan ere goi mailako kargodunen izenak eman ziren ezagutzera. Osasunbidearen buru Carlo Artundo bera da, lehendakariordea berriz Juan M. Cabases Hita eta Zuzendari gerentea Rafael Manzanera Lopez.

Barcelona eta Sevilla zonalde arriskutsutzat jo ditu Madrilek

MADRIL

Barcelona eta Sevilla 'Arrisku Handiko Zonalde' gisa izendatu ditu Espainiako Barne Ministeritzak.

Gaur arte Hego Euskal Herriko lau herrialdeek soilik dute kalifikazio hori eta polizien zereginen arriskua kontuan hartuta ematen da.

Barcelona eta Sevillak datorren urteko Joku Olinpikoak eta Expo-92 antolatzeagatik jasoko dute kalifikazio hori, «ETAk helburu militartzat jo bait ditu» adierazi denez.

Hau honela, Barne Ministeritzak 3.000 milioi pezetako (150

milioi libera) inbertsioa egingo du bi hiri hauetan, batez ere, polizien soldata eta egoera horrek sortarazten dien larritasuna leuntzeko asmoarekin.

Estatu espainiarreko polizien eskakizunez gain, Euskal Herrian dauden polizi espainiarrek behar ekonomiko handiagoak dituztela aldarrikatu ohi dute eta Barne Ministeritzaren egitasmo berri honekin Barcelona eta Sevillakoek egoera eskaintza ekonomiko paretsua izango dute.

Bestalde, Barcelonako destinoa betetzeko polizi eskasia dela eta, gazteen artean kanpaina berezia egingo dela iragarri dute Policía Nacionaleko iturriek.